



Møtebok for Kommunestyret

Møtedato: 14.02.2019
Møtestad: Konferanserommet
Møtetid: 09:00 - 15:00

I møtet vert det orientert om:

- Kystsogevekene v/Kjell Magnus Økland
- Presentasjon av mogleg løysing for oppgradering brannstasjon
- Status vertskommuneavtale NAV
- Informasjon frå møte med Norsk Vindenergi

Frammøtte medlemmer	Parti	Rolle	Merknad
Tom Kristian Thorsen	SO	Ordførar	
Linda Neset	SO	Medlem	
Ann-Jorunn Farestveit	SO	Medlem	
Frank Stian Steinsland	SO	Medlem	
Håvard Engeseth	SO	Medlem	
Sigmund Vikane	SO	Medlem	
Robert Helland	SO	Medlem	
Kristin Nåmdal	SA	Varaordførar	
Liv Anne Aanesen	SA	Medlem	
Kjetil Eikefet	SA	Medlem	
Roger Wilhelm Fure	SA	Medlem	
Anne Britt Almelid	SA	Medlem	

Forfall meldt frå medlem:	Parti	Rolle	Merknad
Svanhild Moberg Nordaas	SA	Medlem	Meldt forfall

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Møtesekretær	
Ove Sæbø	Assisterande rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
004/2019	Godkjenning av innkalling og saksliste
005/2019	Godkjenning av møtebok
006/2019	Referatsaker
007/2019	Orienteringssaker
007/2019.3	Forlik
008/2019	Randkommunesamarbeid - oppgåvefellesskap rekneskap og løn
009/2019	Mobryggen drift AS - skjenkeløyve for perioden 14.02.19 - 30.09.20.

Sakspapir

Saksbehandler	Arkiv	ArkivsakID
Anneli Vatle Lilletvedt		19/40

Saksnr	Utvalg	Type	Dato
004/2019	Kommunestyret	PS	14.02.2019

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Kommunestyret - 004/2019

KS - behandling:

Ekstrasak 009/2019- Skjenkeløyve Mobryggjen A/S

KS - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Anneli Vathe Lilletvedt		19/40

Saksnr	Utvalg	Type	Dato
005/2019	Kommunestyret	PS	14.02.2019

Godkjenning av møtebok

Forslag til vedtak:

Møtebok vert godkjend slik ho ligg føre

Saksopplysningar:

Kommunestyret - 005/2019

KS - behandling:

KS - vedtak:

Møtebok vert godkjend slik ho ligg føre

Vedlegg:

Protokoll - Kommunestyret - 31.01.2019

Sakspapir

Saksbehandler	Arkiv	ArkivsakID
Anneli Vatle Lilletvedt		19/40

Saksnr	Utvalg	Type	Dato
006/2019	Kommunestyret	PS	14.02.2019

Referatsaker

Underliggende saker:

Saksnummer	Tittel
006/2019.1	Standard på fylkesveg 345 og 569 i Modalen kommune
006/2019.2	Svar til ordfører i Modalen - status fylkesvegar i Modalen

Forslag til vedtak:

Referatsaker vert tekne til orientering.

Saksopplysningar:

Kommunestyret - 006/2019

KS - behandling:

Kommunestyret bed ordfører følge opp svaret frå Fylkeskommunen. Invitere til møte og synfaring i april. Samme gjeld oppfølging av Modalen sin del av Nordhordlandspakken.

KS - vedtak:

Referatsaker vert tekne til orientering.

Vedlegg:

Standard på fylkesveg 345 og 569 i Modalen kommune

Svar til ordfører i Modalen – status fylkesvegar i Modalen.pdf

Forlik

Sakspapir

Saksbehandler	Arkiv	ArkivsakID
Anneli Vathe Lilletvedt		19/40

Saksnr	Utvalg	Type	Dato
007/2019	Kommunestyret	PS	14.02.2019

Orienteringssaker

Underliggjande saker:

Saksnummer	Tittel
007/2019.1	Næringsfondet - rapport løyvingar 2017.
007/2019.3	Forlik

Forslag til vedtak:

Sakene vert tekne til orientering

Saksopplysningar:

Kommunestyret - 007/2019

KS - behandling:

Kjell M. Økland frå «Kystsogevøkene» holdt ei orientering. Han viste til aktivitet, målsettingar og ynskte å utvide med fleire kommunar. Kommunestyret bad om at det vart fremja sak frå administrasjonen om Modalen kommune si evt. deltaking.

Presentasjon av mogleg oppgradering av brannstasjonen i Modalen.

- Orientering ved brannsjef K. J. Romarheim om grunnlag for oppgradering av brannstasjonen, jfr. krav frå Arbeidstilsynet.
- Steinar Barmen, siv. ark. frå Forum Arkitekter AS, synte fram skisse for mogleg ny brannstasjon i Industrihuset. Han orienterte om mogleg kostnadskalkyle på noko over 7 mill eks. mva.

Rådmannen orienterte om status for NAV-samarbeidet kor Masfjorden er vertskommune. Statleg NAV har meldt at dei ikkje er klare med sine vurderingar om behov m.m. knytt til felles kontor m.m. før mot slutten av 2019. Inntil vidare vert difor NAV-kontoret i Modalen ope slik som før nyttår.

Ordføraren orienterte om møte han, rådmannen og ass. rådmann hadde hatt med Norsk Vind Energi AS i januar. Melding til NVE frå Norsk Vind er planlagt å skulle sendast i febr/mars 2019. Norsk Vind har gjeve uttrykk for at dei ynskjer å vere tilgjengelege i Modalen for drøftingar og spørsmål etter at melding til NVE er sendt.

Ordføraren orienterte om Nordhordlandspakken. Status er at denne er på veg ut på anbod i løpet av våren 2019. Det er registrert om lag 10 – 12 ynskje tiltak i Modalen. Ein ventar på beslutning om kva som evt. kan utførast innanfor ramma på 2 mill. Arbeid skal utførast haust 2019 / vår 2020.

Generelle spørsmål:

Sigmund Vikane:

Med bakgrunn i medieoppslag om barnevern, og at Vaksdal barnevern kom dårleg ut (trafikklys); kva er stoda i barnevernet som Modalen kommune er ein del av og som Vaksdal er vertskommune for?

Rådmannen viste til at Modalen kommune ynskjer å sjå nærare på samarbeid og innhald framover i lag med Vaksdal. I tillegg er dette eit område som kan bli aktuelt å drøfte i samband med randkommunesamarbeid.

Korleis vurderer rådmannen resultatane frå Forukarrådet sitt kommunale barometer kor Modalen kommune kjem dårleg ut?

Rådmannen: Ber om å få komme tilbake til dette spørsmålet i neste kommunestyremøte.

KS - vedtak:

Sakene vert tekne til orientering

Vedlegg:

Næringsfondet - rapport løyvingar 2017

Sakspapir

Saksbehandler	Arkiv	ArkivsakID
Tom Kristian Thorsen	Gbnr-77/1, HistSak-13/140	18/47

Saksnr	Utvalg	Type	Dato
007/2019.3	Kommunestyret	OR	14.02.2019

Forlik

Forslag til vedtak:

Kommunestyret tek forliket til orientering.

Saksopplysningar:

Bakgrunn

I sak mellom Modalen kommune og Oddbjørn Otterstad vart ein einig om frafall av krav i søksmål mot ein forlikssum på kr 2 550 000,-

Forliket er i henhold til gjeldane kjennelse, avsagt 18.12.2018 i Bergen tingrett, i saksnr 18-013520TVI-BERG/4 med Tingrettsdommer Arne Fortun.

Kommunestyret gjorde i sak 057/18 vedtak om at ordfører, varaordfører og rådmann saman med advokat representerer Modalen kommune i rettsmekling. Dei får fullmakt av kommunestyret til å møte, forhandle og inngå forlik i saka.

Kommunestyret - 007/2019.3

KS - behandling:

Ordfører orienterte om saka.

KS - vedtak:

Kommunestyret tek forliket til orientering.

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-026	18/151

Saksnr	Utvalg	Type	Dato
008/2019	Kommunestyret	PS	14.02.2019

Randkommunesamarbeid - oppgåvefellesskap rekneskap og løn

Forslag til vedtak:

Modalen kommune vert på noverande tidspunkt ikkje med i kommunalt oppgåvefellesskap innafor områda rekneskap og løn. Kommunen vil vurdere om det vil vere tenleg å inngå samarbeid på desse områda ved eit seinare høve.

Saksopplysningar:

Bakgrunn

I juni 2018 handsama kommunane Austrheim, Fedje, Gulen, Masfjorden, Modalen, Osterøy og Vaksdal (Randkommunane) ei felles generell sak om samarbeid om tenester. Kommunestyra var positive til at ein skulle gå vidare å sjå på konkrete tenestesamarbeid/oppgåvefellesskap.

Det er no utarbeida ein forprosjekt rapport som har sett på eit mogeleg oppgåvefellesskap for rekneskap og lønsfunksjon.

Konklusjonen i rapporten er at eit slikt oppgåvefellesskap kan realiserast sjølv om dei tilsette ikkje endrar fysisk arbeidsstad. Styringsgruppa (rådmenn i randkommunane) var også samde om at eit slikt oppgåvefellesskap kan realiserast og at måla om eit meir robust og sterkare fagleg teneste kan realiserast.

Styringsgruppa var samde om at kvar einskild kommune innan 08.03.19 måtte ta stilling til om dei ville vere med i vidare arbeid for å realisere eit felles oppgåvefellesskap for rekneskap og løn. Dei kommunane som seier Ja vil omgåande starte arbeidet med organisering og utarbeide samarbeidsavtale som kan vedtakast av kommunestyra innan juni 2019.

Føresetnadar for eit kommunalt oppgåvefellesskap

Styringsgruppa og den felles saka til kommunestyra i juni 2018 hadde lagt nokon felles føringar for kva som ligg til grunn for eit oppgåvefellesskap og dei viktigaste var:

- Ikkje flytting av arbeidsplassar – geografisk
- Felles leiing
- Kvaliteten på tenestene må oppretthaldast og på sikt bli betre

- Tenestene må standardiserast – avgjerder, arbeidsprosessar, avtalar, normer reglar osv. (full harmonisering)
- Digitalisering – alt må digitaliserast (kan ikkje ha papirløysingar når ein skal kunne jobbe uavhengig av fysisk plassering)
- Dei teknologiske løysingane som gir betre kvalitet og lågare kostnader skal nyttast ut (digitalisering)

Forprosjektet – kartlegging, konklusjonar og tilråding

Faktadelen i rapporten gir grunnlag for følgjande konklusjon:

- Kommunane nyttar for ein stor del dei same verktøya og tidlegare arbeid gjer at kontoplanar osv er delvis harmonisert. Det gir eit godt grunnlag for å gå vidare med å få til eit oppgåvefellesskap.
- Dei kommunane som har kome lengst og har den beste kvaliteten må legge føringar for kva løysingar som vert valt.

Arbeidsgruppa si tilråding:

- Det vert tilrådd at rekneskap og løn blir ein del av eit kommunalt oppgåvefellesskap med eige rettssubjekt.
- Økonomisjef og økonomistyringsfunksjonen vert det tilrådd at ligg igjen i kvar kommune då dette er funksjonar som jobbar opp mot politisk nivå og rådmann i kvar kommune og som jobbar tett med einingane i økonomistyringa av kvar kommunen.

Styringsgruppa si handsaming av forprosjekt rapporten

Styringsgruppa handsama forprosjekt rapporten endeleg i møte 14.01.19 – sak 03/18. Styringsgruppa var samde i konklusjonane i rapporten med unntak av at oppgåvefellesskapet skulle vere eit eige rettssubjekt. Arbeidsgruppa meinte det var best fagleg dersom oppgåvefellesskapet vart eit eige rettssubjekt, men det var ikkje eit «krav».

Styringsgruppa gjorde følgjande vedtak:

«Styringsgruppa var samde om at eit slikt oppgåvefellesskap for rekneskap og løn kan realiserast og vere rasjonelt både fagleg og ressursmessig innafor dei rammene som er lagt for eit slikt prosjekt. Økonomisjef og økonomistyringsfunksjonen vert igjen i kvar kommune. Oppgåvefellesskap for rekneskap og løn:

- *Vert eit kommunalt oppgåvefellesskap - § 19 selskap (ny kommunelov)*
- *Oppgåvefellesskapet vert ikkje eit eige rettssubjekt*
- *Dei tilsette endrar ikkje tilsetjingsforholdet*
- *Dei tilsette endrar ikkje fysisk arbeidsstad*
- *Det vert ein fagleg leiar i oppgåvefellesskapet*
- *Det vil bli utarbeida styringsmodell, leveranseavtalar og kostnadsfordelingsmodell.*
- *Vert ført eit eige rekneskap (prosjekt/avdeling) for oppgåvefellesskapet i kontorkommune*
- *Fordelinga av kostnadane må gjenspegle kva ein tek ut av tenester. Tenestene skal leverast til sjølvkost.*
- *Rutinane og oppgåveløysinga må harmoniserast. Dei mest optimale og framtidsretta løysingane skal nyttast og alt må digitaliserast.*
- *Den einskilde kommune kan velje om ein vil vere med på løn og eller rekneskap.*

Kommunane skal innan 08.03.2019 ha gjort eit val om dei ønskjer å delta i vidare utgreiing av eit slikt oppgåvefellesskap med sikte på å få utarbeida ein samarbeidsavtale som vert vedteke av kommunestyra innan sommaren 2019. Oppgåvefellesskapet kan då vere fullt operativt frå 01.01.2020.

Saksgang vidare

Styringsgruppa er samde om at eit slikt oppgåvefellesskap for rekneskap og løn kan realiserast. Kvar einskild kommune må ta ei avgjerd innan 08.03.19 om dei vil vere med vidare med sikte på å få vedteke ein samarbeidsavtale for eit kommunalt oppgåvefellesskap for rekneskap og løn innan juni 2019. Premissane for oppgåvefellesskapet er utarbeida i forprosjektrapporten og i styringsgruppa sitt vedtak i sak 03/19.

Vurdering

Felles IKT gir kommunane ein felles plattform til å samarbeide på mange tenesteområde. Innafor rekneskap/økonomisystem har det tidlegare vore jobba med standardisering. Det arbeidet gir eit godt grunnlag for å vurdere eit samarbeid innafor rekneskap/økonomi/løn. Det at kommunane kjenner kvarandre godt og har felles IKT system gjer at dei har eit godt utgangspunkt for å få til konkret samarbeid som kan bidra til eit større fagmiljø og mindre sårbarhet i tenestene.

Det er ikkje forventa at samarbeidet i første omgang skal gi dei store innsparingane, men det er større fagmiljø, kvalitet og mindre sårbarhet som er dei største gevinstane. Økonomisk sett er det sannsynleg at kostnaden for Modalen kommune vil auke noko dersom ein vert med i oppgåvefellesskapet, i alle fall i ein startfase. Dette fordi det må tilførast ressursar til faglege leiarar som skal koordinere arbeidet og samkjøre prosessane på vegne av kommunane.

Administrasjonen har hatt ein grundig intern gjennomgang av forprosjekt rapporten saman med økonomisjef og leiar før løn, der ein har drøfta konsekvensar for Modalen ved å gå inn i eit slikt oppgåvefellesskap.

I rapporten kjem det fram at kommunane for ein stor del nyttar dei same verktøya og tidlegare samarbeid gjer at kontoplanar, arbeidsprosessar og rutiner er delvis harmonisert. Dei kommunane som har kome lengst og har den beste kvaliteten må legge føringar for kva løysingar som vert valt i samarbeidet, og alt må digitaliserast. Det er då slik at det vil vere eit ganske omfattande arbeid som må gjerast hjå oss og dei andre kommunane før alt er likt og standardisert.

Dei kommunane som vel å gå inn i eit samarbeid må prioritere arbeidet slik at det vert gjennomført innan dei tidsrammene som vert lagt, og det må leggest inn ressursar til gjennomføring. Det må ikkje undervurderast at utvikling av eit oppgåvefellesskap vil krevje mykje ekstra tid frå dei tilsette i kommunen som i dag har ansvaret for desse oppgåvene, og som og har ansvar for andre oppgåver og tenester som ikkje inngår i samarbeidet. Det må difor ikkje settast i gong meir enn det som kan handterast, og tilbakemeldinga frå våre tilsette er at det vil vere for tidkrevjande å gjere dette på noverande tidspunkt. Kommunen har i 2017 og 2018 vore gjennom eit særskilt omfattande og krevjande arbeid med overgang til ny versjon av Visma innafor HRM, løn, økonomi og rekneskap, og eit nytt stort arbeid med samordning på dette feltet har vi ikkje nok personalressursar til å gjennomføre.

Når det gjeld styringsutfordringa knytt til ulike former for interkommunale samarbeid, har denne vore problematisert i mange rapportar og analysar dei siste ti åra. Eit oppgåvefellesskap innafor eit så omfattande og krevjande område som løn, økonomi og rekneskap vil krevje god styring når det gjeld fordeling og samkjøring av alle arbeidsoppgåvene som skal utførast for fellesskapet. Det føreset at det vert tydeleg avklart korleis koordinatoren for tenestefellesskapet kan disponere dei som skal jobbe i dette fellesskapet. Dette kan vere krevjande å få til når dei tilsette ikkje har same

tilsetjingsforhold og ei felles leiing. I Modalen kan dette bli ekstra utfordrande, då våre tilsette har ein stor del av stillinga si knytt til oppgåver som vil ligge utafor oppgåvefelleskapet og fleksibiliteten blir mindre. Dette i motsetning til fleire av dei andre kommunane, der dei tilsette har fulle stillingar innafor løn/økonomi/rekneskap.

Konklusjon

Ein viktig føresetnad for oppstart av randkommunesamarbeidet, og utredning av moglege samarbeidsområde, var at ikkje alle kommunane treng å vere med på alt. Det kan vere ein fordel i ein oppstartsfase at det ikkje er for mange som deltek, så kan heller fleire kople seg på når samarbeidet er etablert. Sjølv om ikkje alle kommunane deltek i alt av samarbeid, vil det vere ein stor fordel at samarbeida er kjent for dei andre kommunane og at ein kan kople seg på samarbeidet når det måtte vere tenleg.

Rådmannen si vurdering er at det er gode argument både for og mot å gå inn i eit oppgåvefelleskap på rekneskap og løn. Det har difor vore viktig å leggje stor vekt på dei faglege innspela frå våre eigne tilsette på fagområda, som konkluderer med at dette vil vere for tid- og arbeidskrevjande å gå i gang med no. Rådmannen tilrår difor at Modalen kommune ikkje vert med i kommunalt oppgåvefelleskap innafor rekneskap og løn med dei andre randkommunane på noverande tidspunkt.

Kommunestyret - 008/2019

KS - behandling:

Rådmannen orienterte om saka og svara på spørsmål.

KS - vedtak:

Modalen kommune vert på noverande tidspunkt ikkje med i kommunalt oppgåvefelleskap innafor områda rekneskap og løn. Kommunen vil vurdere om det vil vere tenleg å inngå samarbeid på desse områda ved eit seinare høve.

Vedlegg:

Rapport rekneskap og løn - forprosjekt

Sakspapir

Saksbehandler	Arkiv	ArkivsakID
Ove Sæbø	FA-U63, TI-&18	19/44

Saksnr	Utvalg	Type	Dato
009/2019	Kommunestyret	PS	14.02.2019

Mobryggen drift AS - skjenkeløyve for perioden 14.02.19 - 30.09.20.

Forslag til vedtak:

Kommunestyret gjev Mobryggen drift AS skjenkeløyve for perioden 14.02.19 – 30.09.20. For skjenkeløyvet gjeld følgjande vilkår:

1. Løyvehavar er Mobryggen drift AS, org.nr. 921 827 709.
2. Styrar for løyvet er Vidar Nøttveit. Avsløysar for styrar er Janniche Nøttveit.
3. Løyvet gjeld for kro og fellesareal i 1. høgda. I tillegg gjeld løyvet for uteservering på overbygd areal og inngjerda kaiområde i tråd med vedlegg i søknad d. 07.02.19. Styrar for løyvet er ansvarleg for tilstrekkeleg avskjerming og inngjerding av skjenkearealet ute. Avskjerminga skal vere godkjent av kommunen og fri ferdsel på kaiområdet skal sikrast.
4. Skjenketid inne:

Brennevin: alle vekedagar frå kl. 13.00 – 24.00.

Øl og vin: alle vekedagar frå kl. 08.00 – 02.00.

Skjenketid ute:

Brennevin: alle vekedagar frå kl. 13.00 – 24.00.

Øl og vin: alle vekedagar frå kl. 10.00 – 01.00.

Konsum av utskjenka alkohol må opphøre seinast 30 minutt etter at skjenketida er slutt.

5. Løyvehavar og styrar for løyvet pliktar å sjå til at alkohollova sine føresegner vert fulgt.
6. Det vert satt som vilkår at det i den tida det vert servert alkoholhaldig drikke også skal gjevast tilbod om matservering.
7. Modalen kommune har engasjert kontrollør som kan koma på vitjing for å sjå til at alkohollova sine føresegner vert fulgt.

Det må gjevast uttale frå politiet som stettar søknaden før løyvet er gyldig

Saksopplysningar:

Mobryggen drift AS overtok drifta av restaurant- og overnattingsstaden «Mobryggja» 05.12.18. Verksemda v/ dagleg leiar Vidar Nøttveit søkjer i samband med dette om skjenkeløyve for øl, vin og brennevin.

Bakgrunn

Nytt driftsselskap og nye eigarar må ha skjenkeløyve gjeve av kommunestyret for å kunne servere alkohol. Søkjar har levert søknad med aktuelle vedlegg. Rådmannen legg til grunn alkohollova, samt «Rusmiddelpolitisk handlingsplan 2013 – 2017» i handsaminga av søknaden. I planen er det vist til følgjande i pkt. 2.1 – Allminnelege løyve for skjenking av brennevin, vin og øl kan gjevast til:

- Serveringsverksemdar som er retta mot eit vakse publikum der kommunen meiner staden sin karakter tilseier at skjenking er forsvarleg.
- Skjenkearealet skal gå klart fram av søknaden, også ved evt. søknad om uteservering. Arealet skal vere fysisk avgrensa.

Skjenkeløyve kan gjevast for inntil 4 år om gongen, og med opphøyr seinast 30. september året etter at nytt kommunestyret tiltrer (jfr. Alkohollova § 1-6)

Vurdering

Rådmannen si vurdering er at søkjar oppfyller vilkår og retningslinjer for skjenkeløyve gjeve av kommunestyret. Det skal gjevast uttale frå sosialtenesta og politiet. I tida mellom søknad vart motteken og handsaming i kommunestyret, vart det ikkje tilstrekkeleg tid til å innhente uttale frå politiet. Eit evt. skjenkeløyve gjeve av kommunestyret er ikkje gyldig før positiv uttale frå politiet ligg føre. Sosialtenesta i Modalen kommune v/ ass. rådmann har ingen merknadar til søknaden.

Konklusjon

Rådmannen rår til at det vert gjeve skjenkeløyve til Mobryggen drift AS med dei vilkår som er lista opp.

Kommunestyret - 009/2019

KS - behandling:

Assisterande rådmann orienterte om saka og svarte på spørsmål. Kommunestyret bed om at "Rusmiddelpolitisk handlingsplan 2013 - 2017" vert revidert i løpet av 2019.

KS - vedtak:

Kommunestyret gjev Mobryggen drift AS skjenkeløyve for perioden 14.02.19 – 30.09.20. For skjenkeløyvet gjeld følgjande vilkår:

1. Løyvehavar er Mobryggen drift AS, org.nr. 921 827 709.
2. Styrar for løyvet er Vidar Nøttveit. Avsløysar for styrar er Janniche Nøttveit.
3. Løyvet gjeld for kro og fellesareal i 1. høgda. I tillegg gjeld løyvet for uteservering på overbygd areal og inngjerda kaiområde i tråd med vedlegg i søknad d. 07.02.19. Styrar for løyvet er ansvarleg for tilstrekkeleg avskjerming og inngjerding av skjenkearealet ute. Avskjerminga skal vere godkjent av kommunen og fri ferdsel på kaiområdet skal sikrast.
4. Skjenketid inne:

Brennevin: alle vekedagar frå kl. 13.00 – 24.00.

Øl og vin: alle vekedagar frå kl. 08.00 – 02.00.

Skjenketid ute:

Brennevin: alle vekedagar frå kl. 13.00 – 24.00.

Øl og vin: alle vekedagar frå kl. 10.00 – 01.00.

Konsum av utskjenka alkohol må opphøre seinast 30 minutt etter at skjenketida er slutt.

5. Løyvehavar og styrar for løyvet pliktar å sjå til at alkohollova sine føresegner vert fulgt.
6. Det vert satt som vilkår at det i den tida det vert servert alkoholhaldig drikke også skal gjevast tilbod om matservering.
7. Modalen kommune har engasjert kontrollør som kan koma på vitjing for å sjå til at alkohollova sine føresegner vert fulgt.

Det må gjevast uttale frå politiet som stettar søknaden før løyvet er gyldig

Vedlegg:

Søknad om serveringsløyve og skjenkeløyve Mobryggen AS

1+SV+_176024.pdf

1+SV+_176025.pdf

1+SV+_176026.pdf